

30 IULIE
RUGACIUNEA
SF.CUVIOS
ANATOLIE 2 POTAROV
DE LA OPTINA

Молитва

О, пречестная главо и Утешителя богоприятное селение, богомудре отче наш Анатолие. Ты Господеву поработал еси со страхом и заповеди Его исполнил еси неленостно. Сего ради дарованьми различными исполни твою душу Христос, наипаче же излия на тя дар Божественного утешения. Имже многия люди обремененныя горем, страданьми и бедами, яко отец милосердый утешил и ободрил еси, и многия души в годину гонений на Церковь Русскую спасл еси от искушений и заблуждений. Темже ведуще тя и по смерти жива, и мы обуреваемии многоразличными бедами и скорбями еще же и страстями, к тебе припадаем и милостивно просим: посети стадо твое еже умножи Христос твоими молитвами и сущим в тебе дарованием утешения, устави бурю негодования Божия яже грехов ради наших на

ны движимую, утеши озлобленные люди, даждь ослабу изнемогшим от искушений злохитроснаго змия и от непомерных соблазнов спаси нас погибающих.

[*]Наипаче же моли Господа Вседержителя да избавит нас от обольщения богомерзкаго и злаго антихриста близгрядущаго, и укроет нас от сетей его в сокровенной пустыни своего спасения. Да подаст нам крепость и мужество твердаго исповедания имене Его святаго, да не отступим страха ради дьявольскаго и не отречемся от Спасителя и Икупителя нашего и от святыя Его Церкви. Но да подаст нам день и ночь плач и слезы о гресех наших еже помиловатися нам на Страшном Суде Его, по твоим богоугодным отче молитвам. Аминь.